

Zeitschrift: Akzent : Magazin für Kultur und Gesellschaft

Herausgeber: Pro Senectute Basel-Stadt

Band: - (2008)

Heft: 2: Schwerpunkt Messestadt

Artikel: Alli hänn em "Mundi" gsait : Dr. Edmund Wyss 1916-2002,
Regierigsroot und Muschtermäss-Presidänt

Autor: Miville-Seiler, Carl

DOI: <https://doi.org/10.5169/seals-842762>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 26.07.2025

ETH-Bibliothek Zürich, E-Periodica, <https://www.e-periodica.ch>

Alli hänn em «Mundi» gsait

Dr. Edmund Wyss

1916 – 2002, Regierigsroot und Muschtermäss-Presidänt

Syt s d Mäss Schwyz, die frieneri Muschtermäss git, isch si als wider vo dänggwürdige Presidänte glaiet wurde. Ain drvo isch dr Dr. Edmund Wyss gsi, e Maa, wo sich uff vyyle Gebiet fir Basel und fir sy Wirtschaft erfolgryych yygsetzt het.

Uff d Wält koo isch er am 21. Grischtmoonet 1916. Er het Nationalökonomie studiert, und sy soziaali Ystellig het en bewooge, wissenschaftlige Seggretär bim Gwärggschaftsbund z wääerde. Ass er politisch nit ai-sytyig gsi isch, het er scho mit syner Dissertation über d Sozialpolitik vo de Basler Liberalkonservativen im 19. Joorhundert bewiise. Vo 1960 bis 1984 isch er als Regierigsroot em Wirtschafts- und Sozialdepartemänt vorstanden und het, wie sy Vorgänger Hans Peter Tschudi, fir dr Uusbau vo de sozialen Errungeschafte vom Kanton gsorgt. Glyychzytig het er sich au fir d Feerderig vo dr Wirtschaft, under anderem fir dr Flughäfen und d Rysschiffaart, yygsetzt.

En äänligi Rolle het er im Nationalroot gspiilt, won er em vo 1960 bis 1972 aagheert het.

Ane 1960 het d Regierig dr Edmund Wyss in Verwaltigsroot vo dr Muschtermäss – hit Mäss Schwyz – gweelt, und zää Joor speeter het er s Presidium ibernoo und bis zem Ruggdritt, 1986, uusgibbt. Dangg syne Bääerner Verbindigen isch s em glunge, dr Frédéric Walthard, sälli Zyt Generalseggretär vom aidnese-sische Volggswirtschaftsdepartemänt, als Muba-Dirägger uff Basel z hoole. Under dääne baide, em Wyss und em Walthard, het sich d Mäss nit numme groossartig entwigglet, nai, si het sich au gwandlet, si het im Bligg uff die neye Verheltnis im Mässewääse dr Wäag zer Internationalisierig yygschlaage. S Park-huus isch baut und d Halle sinn modärniert worde, s het neyi Kongrässloakaal gää, dr grooss Feschtsaal isch umbaut worde, und mit dr Installierig vom Wählhands- und Kongrässcentrum EWTCC het d Mäss iir Uusstraalig wyt iiber s Land uuse versterggt.

Und sunscht? Dr Edmund Wyss isch in junge Joor Fuessballer gsi. Vo dääre Vergangeheit isch allewyl eppis bliibe byn em: mängmool ruuch im Doon, aber frindschaftlig im Verkeer mit de Lyt. Und ganz Basel het em numme «Mundi» gsait. Am 17. Augschte 2002 isch er gstoorne.

Carl Miville-Seiler



Bildlegende

Personen von links nach rechts:

Dr. Edmund Wyss,

Bundesrat Ernst Brugger